

Sarajevo, 30-12-2020

Broj: 01-11-3-61100

Na osnovu člana 70. Zakona o javnim nabavkama („Službeni glasnik BiH“, broj 39/14), člana 48. Statuta KCUS-a (Sl.novine FBiH br. 73/13), člana 21. Pravilnika o javnim nabavkama Kliničkog centra Univerziteta u Sarajevu (br.0202-14544/17) a u daljem tekstu KCUS, na prijedlog Komisije za javnu nabavku Izvještaj br.10-33-4-60677 od 28.12.2020. godine, Generalna direktorica donosi:

ODLUKU

o izboru najpovoljnijeg ponuđača za
"Izradu izvedbenog projekta sanacije gasne instalacije u laboratorijama
u zgradi Dijagnostika i poliklinika DIP"

I

Prihvata se prijedlog Komisije za javnu nabavku, Izvještaj br. 10-33-4-60677 od 28.12.2020. godine, za pružanje usluge "Izrade izvedbenog projekta sanacije gasne instalacije u laboratorijama u zgradi Dijagnostika i poliklinika DIP", nakon provedenog konkurentskog zahtjeva i Ugovor se dodjeljuje ponuđaču **Edeco group d.o.o. Sarajevo** sa sljedećim elementima:

Vrijednost Ugovora bez PDV-a: 9.500,00 KM
Iznos PDV-a 17%: 1.615,00 KM
Ukupna vrijednost sa PDV-om: 11.115,00 KM

- Uslovi plaćanja: 60 (šezdeset) dana nakon ispostavljanja fakture.
- Rok izvršenja usluge: 45 (četrdesetpet) dana
- Garantni period: 1 (jedna) godina

II

Izabrani ponuđač dužan je u roku od 5 (pet) dana od dana prijema ove Odluke, dostaviti original ili ovjerene kopije dokaza tražene tačkom 2.2 Tenderske dokumentacije, u skladu sa dostavljenom Izjavom ponuđača, ne stariji od 3 mjeseca računajući od momenta predaje ponude.

III

Ova Odluka stupa na snagu danom donošenja i u skladu sa zakonskim propisima će biti dostavljena ponuđačima učesnicima postupka javne nabavke i objavljena na web stranici KCUS-a putem web stranice Kantona Sarajevo.

O B R A Z L O Ž E N J E

Na osnovu Odluke o pokretanju postupka javne nabavke br 01-11-3-52703 od 12.11.2020. godine sa procijenjenom vrijednosti nabavke u iznosu od 10.000,00 KM bez PDV-a, KCUS je 16.11.2020. godine objavio Obavještenje o nabavci broj: 893-7-2-779-3-484/20 na portalu e-Nabavke zajedno sa tenderskom dokumentacijom za pružanje usluge " Izrada izvedbenog projekta sanacije gasne instalacije u laboratorijama u zgradi " Dijagnostika i poliklinika DIP", putem konkurentskog zahtjeva.

Za predmetni postupak javne nabavke ne primjenjuje se postupak e-aukcije (član. 2, stav (3) Pravilnika o uslovima i načinu korištenja e-aukcije („Službeni glasnik BiH“, broj 66/16).

U skladu sa članom 88.ZJN poziv za učešće u postupku javne nabavke upućen je sljedećim ponuđačima:

1. NOX BIRO d.o.o. Sarajevo

Islahović

2. EDECO GROUP d.o.o. Sarajevo
3. HVAC DESIGN d.o.o. Sarajevo
4. ENERGO DESIGN d.o.o. Sarajevo
5. INTERCLIMA d.o.o. Sarajevo
6. CLIMA-TRADE d.o.o. Sarajevo

KCUS je objavio izmjenu i dopunu tenderske dokumentacije Obavještenje o nabavci broj: 893-7-2-799-8-539/20 od 11.12.2020.godine.

Obzirom da je tenderska dokumentacija za postupak nabavke, objavljena na portalu e-Nabavke istu je preuzelo 7 (sedam) ponuđača, a izmjenu i dopunu tenderske dokumentacije preuzelo je 6 (šest) ponuđača, a do krajnjeg roka određenog za prijem ponuda, 21.12.2020. godine, dostavljene su 3 (tri) ponude ponuđača kako slijedi:

1. Institut za građevinarstvo, „IG“ Banja Luka u iznosu 8.400 KM bez PDV-a
2. Urbis Centar d.o.o. Banja Luka u iznosu 8.700 KM bez PDV-a
3. Edecogroup d.o.o. Sarajevo u iznosu 9.500,00 KM bez PDV-a

Zapisnik o javnom otvaranju ponuda broj:10-33-4-59616 od 22.12.2020.godine, u zakonski predviđenom roku dostavljen je putem fax-a ponuđačima.

Komisija imenovana Odlukom broj: 01-04-4-54824 od 26.11.2020.godine pristupila je provjeri dokumentacije dostavljene uz ponude i konstatovala sljedeće:

Ponuda ponuđača **“URBIS CENTAR”** d.o.o Banja Luka **nije formalno-pravno ispravna**, jer nije dostavio:

Ovlaštenje izdato od strane Federalnog ministarstva prostornog uređenja Federacije Bosne i Hercegovine da može obavljati poslove projektovanja mašinskih KGH instalacija (a koje je potrebno imati da bi se projektovale gasne instalacije)

Ovlaštenje izdato od strane Federalnog ministarstva prostornog uređenja Federacije Bosne i Hercegovine da može obavljati poslove projektovanja elektro instalacija (a koje je potrebno imati da bi se projektovale prateće elektro instalacije u sastavu gasnih instalacija).

Umjesto prethodno navedenog, ponuđač URBIS CENTAR d.o.o Banja Luka dostavio je dva ovlaštenja, i to: ovlaštenje za izradu dijela projekta koji je sastavni dio glavnog projekta iz područja visokogradnje (izrada arhitektonskog dijela projekta i projekta konstrukcija) i ovlaštenje za projektovanje hidrograđevinskog / hidrotehničkog dijela projekta (vodovodi, sistemi odvodnje sanitarno-fekalnih otpadnih voda, i td.), što se ne može prihvatiti jer te usluge nisu predmet javne nabavke.

Uzimajući u obzir utvrđenu nekompletnost dokumentacije, ponuda ponuđača URBIS CENTAR d.o.o. Banja Luka se NE PRIHVATA.

Ponuda ponuđača **Institut za građevinarstvo „IG”** d.o.o Banja Luka **nije formalno-pravno ispravna**, jer je ponuđač dao izjavu koja se traži u tački 2.1 stav l) *Tenderske dokumentacije*, ali u njoj nije dao podatke i odgovore prema stvarnom stanju.

Naime, u prednje navedenoj tački 2.1 stav l) definisano je : „Da bi učestvovali u proceduri javnih nabavki, ponuđači su obavezni dostaviti slijedeću dokumentaciju, a bez koje će ponuda biti odbijena“.

„Ukoliko je ponuđač u prethodnom periodu imao zaključen jedan ili više ugovora s KCUS iz strukovne oblasti koja je predmet nabavke a koji se odnose na projektovanje gasnih instalacija, odnosno termo-tehničkih instalacija u kojima su sadržane i gasne instalacije, prilaže izjavu o tome.

Izjava se daje u vidu tabele 5.2 u kojoj se odvojeno daju podaci o tim ugovorima: predmet ugovora, mjesto i vrijeme / datum izvršenja ugovora, te da li je ugovor uredno izvršen.

Davanje lažnih podataka povlači za sobom automatsku eliminaciju ponuđača. U slučaju da ugovor nije uredno izvršen, također povlači za sobom eliminaciju ponuđača.”

Legatunji

Ponuđač „IG” d.o.o Banja Luka dao je traženu izjavu popunivši sve rubrike u tabeli 5.2 kosom crtom, ovako: /.

Na pitanje sadržano u tabeli: „Je li ugovor uredno izvršen: DA / NE“ dao je odgovor također u formi kose crte (/).

Uvidom u dokumentaciju KCUS, utvrđeno je da je u prethodnom periodu ponuđač „IG” d.o.o Banja Luka imao zaključen Ugovor s KCUS-om koji se odnosio na izradu projektne dokumentacije kotlovnice *Klinike za plućne bolesti i tuberkulozu „Podhrastovi”* u Sarajevu, u okviru koje su trebala biti izrađena i projektna rješenja gasne instalacije kotlovnice.

Dalje je utvrđeno da je na zahtjev KCUS-a, nakon sedam i po mjeseci Ugovor raskinut zbog neurednog izvršavanja preuzetih obaveza od strane pružaoca usluga „IG” d.o.o. Banja Luka.

Uzimajući u obzir utvrđeno činjenično stanje, izvodi se zaključak da je ponuđač „IG” d.o.o. Banja Luka, dajući podatke i odgovore na pitanja iz *tačke 2.1 stav 1)* u formi kose crte (/) pokušao izbjeći davanje stvarnih činjenica s ciljem dovođenja Ugovornog organa u zabludu, zbog čega se ponuda ponuđača „IG” d.o.o. Banja Luka ODBIJA.

3.3 Ponuda firme **EDECO group** d.o.o. Sarajevo ispunjava sve zahtjeve iz tenderske dokumentacije.

Cijena zadovoljavajuće ponude je u okviru osiguranih sredstava za nabavku, Komisija je dala prijedlog, Izvještaj br. 10-33-4-60616 od 28.12.2020. godine, da se za "Izradu izvedbenog projekta sanacije gasne instalacije u laboratorijama u zgradi Dijagnostika i poliklinika DIP", donese odluka o izboru najpovoljnijeg ponuđača i **ugovor dodjeli** ponuđaču **EDECO group**” d.o.o. Sarajevo u iznosu od 9.500,00 KM. Prijedlog Komisije je prihvaćen i donijeta je odluka kao u dispozitivu.



GENERALNA DIREKTORICA

Prof. dr. Sebija Izetbegović

POUKA O PRAVNOM LIJEKU: Protiv ove Odluke može se izjaviti žalba, najkasnije u roku od 5 (pet) dana od dana prijema Odluke. Žalba se izjavljuje Uredu za razmatranje žalbi BiH putem ugovornog organa u pisanoj formi i u dovoljnom broju primjeraka, a koji ne može biti manji od tri.

Dostaviti:

- Ponuđačima;
- Tehnički sektor
- a/a KCUS

bejlahmaji Zeković